

Ze barri?

ESKORIATZA / Egubakoitza / 2005eko abenduaren 23a / 237. zenbakia

KOORDINATZAILEA: Iker Barandiaran • Otolara 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebbarri@goiena.com • Lege gordailua: SS200/99

Gazteendako, batez ere, egitarau borobila izango da Gabonetan

IKER BARANDIARAN

Udalak hainbat ekintza antolatu ditu datozen asteotarako. Gabonetako ohiko ekintzez gain, oporraldi honetan umeez eta gaztetxoek eskaintza handiagoa izango dute, ludotekari eta gaztelekuari esker. Izan ere, biek hala biek egitarau bereziak egin dituzte.

Gaur, egubakoitza, hasiko dira ekitaldiak herrian. 20:00etan Musika Eskolako Bandak, urteroko hitzorduari jarraituz, kontzertua egingo du San Pedro elizan. Biharkoa, zapatukoa, egun bereziagoa izango da, jakina. 12:30ean, umeak elkartuko dira plazan Gabonetako kantuak abesteko. Horren ostean eta 13:30ak bitartean, Olentzeroren laguntzaileek gutunak jasoko dituzte. Eta ordu berean, Trikitixa Eskolakoek kalejira egingo dute. Horrekin guztiarekin bat, goiz

osoan gaztaina erreak banatuko dituzte plazan.

Iluntzearekin bat, 17:30ean, Olentzero Apotzagatik jaitziko da eta txistulari eta soinu jotzaileekin batera kalez kale ibiliko da ume eta helduei arreta egiten.

Gabon kutsuko ekintzek 2006an jarraituko dute. Hilaren 4an, eguaztena, bi biolin jotzailek eta piano jotzaile batek Gabonetako kontzertua egingo dute Ibarraundi museoa. 18:00etan izango da. Eguenean (hilaren 5ean), berriz, Erregeen kabalgata egingo dute.

GABONETAKO PARKEA

Txikienez ez dute aspertzeko astirik izango. Hilaren 27an, 28an eta 29an Gabonetako parkea izango da kiroldegian. Bi zatitan banatuta izango dute: batetik, kantxan, puzgarriak, tailerrak, ludoteka eta rokodromoa. 11:00etatik 13:00etara eta 17:00etatik 20:00etara egingo da zabalik zerbitzu

hori. Eta bestetik, igerilekuan, puzgarri mordo jarriko dituzte. Adinaren arabera, ordutegiak bereiztuko dituzte: 11:00etatik 13:00etara 11 urtetik gorakoak; 17:00etatik 18:30era 6 eta 10 urte bitartekoak; eta 18:30etik 20:00etara 0 eta 5 urte bitartekoak, heldu batek lagunduta.

Hiru egunerako txartelak 6 euro balio du eta egun bakoitzekoak, berriz, 3 euro.

FILMAK ETA LUDOTEKA

Hilaren 30ean, *Gabonetako ipuina* filma emango dute Ibarraundin. Urtarrilaren 8an, berriz, *Shin Chan, Samurrai txikia*. Emanaldi biak hala biak euskaraz izango dira, eta euro baten truke.

Berrikuntza moduan, Gabonetako jai hauetan ludoteka zabalduko dute hilaren 26tik 30era, eta urtarrilaren 2tik 5era hainbat ekintza egingo dituzte: familiendako jolasak, Gabonetako postalak egiteko tailerrak, Errege panpinak eta film emanaldiak, hain zuzen ere.

GAZTELEKUA ETA GAZTETXEA

Urtarrilaren 7an, Sorkunek *Duna* diskoa aurkeztuko du eta Oñatiko Malenkoniak kantu berriak joko ditu. Kontzertu hori gazte txean izango da.

Gaztelekua estreinatu dutela eta, hainbat ekintza egingo dituzte datozen egunotan. Astelehenean, hilaren 26an, irekiera jaia; martitzenean, mahai futbol txapelketa; eguaztenean, eskulan tailerrak; eguenean, gaztelekua margotuko dute; egubakoitzean, zirkotailerra; eta urtarrilean, film emanaldiak, irteerak eta beste.



TESAn sarrailak, segurtasun-ateak eta txartel bidezko ate-sistemak egiten dituzte.

Protestak, TESAn langile bat kaleratu dutelako

I.B.

Hilaren 13an TESA enpresan langile bat kaleratu zuten. Enpresako langileak ez daude ados erabaki horrekin, eta hainbat mobilizazio deitu dituzte. Gaur, egubakoitza, manifestazioa egingo dute 19:00etan, TESA enpresako ataritik abiatuta. Herriko plazara jaitziko dira.

Ekainean TESA enpresako arduradunek aditzera eman zuten langile murrizketa egin gura zutela. Enpresa horren jabe den Suediako Assa-Abloy multinazionalak erabaki hori hartu zuen, eta Irungo eta Eskoriatzako TESA enpresetan 100 langiletik gora kaleratzea zen asmoa.

ZE BARRI?-k TESAn arduradunengana jo zuen informazio eske, eta enpresak adierazi zuen Eskoriatzako plantako 22 langile-ri eragingo zela erabaki horrek. Hala ere, azpimarratu zuten langile horiei aurretiko erretiroa

eskainiko zietela baldintza egokietan. Hala eman zieten aditzera langileei ere, eta hainbat langilek euren burua boluntario aurkeztu zuten.

USTEKABEKO KALERATZEA

Langileen ordezkariek, berriz, esan digute hilaren 13an J.A.P. izeneko langileari arduradunek deitu, eta hurrengo egunean lanera ez bueltatzeko esan ziotela. Langileen ordezkarien esanetan, J.A.P.ri esan zioten bera zela "kaleratu beharreko 22. langilea".

Langileek honako hau azpimarratu digute: "Enpresan 22 lagunek aurretiko erretiroa hartzeko borondatea aurkeztu zuten. Hala ere, enpresako arduradunek hori jakin arren, J.A.P.-rengana jo dute eta berorren kontratua eten dute, inolako arrazoi berezi barik".

Hortaz, JAPrekin egin dutena salatzen, langileek batzar bidez hainbat mobilizazio deitu dituzte. Lehenengoa gaur, egubakoitza, TESAn ataritik abiatuta egingo duten manifestazioa, 19:00etan.



I.B.

Udalak Egin zure Gabonetako marrazkia zozketa egin zuen. Argazkian, saridunak.

SAION DE BELLETA
OSASUNA ETA EDERCINTZA
DORLETA
Aranburuzabala 22, behea
ESKORIATZA
Tel.: 943 71 51 20

LENIZ, C.B. KONPONKETAK
LENIZ
ESKORIATZA
TXAPA, MARGOA eta MEKANIKA
SUZUKI
Aingeru ibiltokia z/g. • Tel.: 943 71 50 61 • Eskoriatza

Gaurko, egubakoitza, manifestazioa deitu dute langileek. 19:00etan irtengo dira TESA paretik

Langileek salatu dute aurretiko erretiroa jasotzeko boluntario nahikoa daudela

ELKARRIZKETA

ANA NEVADO/'BASETXEA' SAIOKO LEHIAKIDEA

"Lagunek ez didate uzten 'Gran Hermano' saioan izena ematen"

MIKEL BARANDIARAN

Ana Nevado gazte esko-riatzarra ETBleko *Basetxea* saioan ibili da lehia-tzen. Aitziber Aranburuzabalak elkarrizketa egin zion Arrasate Irratian, eta guk orrialde hauekarak ekarri ditugu Nevadoren esanak.

Zer moduz ikusten duzu zure burua telebista aurrean?

Ni normalean ez naiz horrelakoa. Telebistan oso isila naizela ematen du, baina kalean askoz alaiagoa naiz eta askoz berba gehiago egiten dut.

Zergatik telebista aurrean serioago? Kamerek beldurra ematen dutelako ala lehiaketa bat delako?

Ez gaude ohituta telebista aurrean egoten, eta hori gogorra egiten da. Hasieran isilago nengoen, baina denbora pasatu ahal konfiantza hartzen joan naiz.

Proba gogorak egin behar izan dituzu.

Bai, ia proba guztiak gogorak izaten dira. Nazkagarriena izan zen zizareak jan behar izan nituenekoa. *Casting*-a egin nuenean esan nien ez nuela halakorik jango. Esan zidaten gose egonez gero, agian hori egiteko gai izango nintzela. Ez zen gosearengatik izan, baina jan egin nituen, eta nik ere ez dut sinesten egin nuenik.

Zergatik eman zenuen izena *Basetxea*-n?

Nik hasieran *casting*-ean esan nuen ospe bila nindoala, baina ez zen hori kontua. Azken finean, lehiakide guztion helburua izan da saria eskuratzea, hiru milioiak lortzea.

Zer egingo zenukeen saria irabaziz gero?

Auto bat erosi, birritan pentsatu barik.

Esperientzia moduan garrantzitsua izan da lehiaketa horretan esku hartzea?

Bai, oso garrantzitsua izan da. Eta gainera, lagunak egin ditut. Bueno, batzuk bai eta bes-



MIKEL LUPIAÑEZ

"*Basetxea*'-ko lehiakideen helburua zen hiru milioiak eskuratzea, ez ospetsuak egitea"

"*Telebistan* agertu nintzen lehenengo egunean lotsa ematen zidan kalera irteteak"

te batzuk ez. Ezinezkoa da guz- tiekin ondo moldatzea.

Egia da pantailaren beste aldean ikusten dena eta atzean dagoena desberdinak direla?

Bai. Guri erredaktoreak hasie- ran esan zigun guk etxetik *Basetxea* erabat desberdina ikusiko genuela, zerikusirik izango ez zuela. Eta hala da. Guk saioan ez genuen ikusten lehiakide bakoitzak zioena, eta gero etxean ikusi- ta harrিতта gelditu gara.

Zelan daramazu ezagun izate hori herrian?

Arrasateko taberna baten lan

egin nuenean jende askok galde- tzen zidan. Eskoriatzan, berriz, lehenengo egunean lotsa ematen zidan kalera irteteak, jende guz- tia galdezka ibiliko zelako. Eta hala izan zen: neuri, amari... Jen- de guztia galdezka.

Izena emango zenuke, adibidez, *Gran Hermano*-n?

Nik esaten dut baietz, baina lagunak ez didate uzten. Trapu zahar guztiak ateratzen dituzte- la eta kalte egiten dizutela diote. Horrela ikusita ez dakit merezi duen, baina dirua erraz irabazte- ko aukera bat da.

Presoen eskubideen aldeko babesak eta ekimenak

I.B.

Etixerat elkarteak hainbat talde eta herritarrengana jo du presoen eskubideen aldeko atxikimendua lortzeko. Eran- tzun zabala jaso du, eta prentsaurrekoa egin zuten jaso duten babesak eta dituzten eskaerak aditzera emateko. Presoen aldeko ekintzetan esku hartzeko dei egin zuten.

Euskal Herriko hainbat elkarte, eragile eta lagun ezagunek presoen eskubideen aldeko dokumentua hitzartu zuten Ibaetan. Orain Etxe- rat dabil herriz herri dokumentu horren aldeko atxikimenduak batzen, eta euskal presoen gaine- ko hainbat eskaera egiten.

Eskoriatzan eguaztenean egin zuten horren aurkezpena. Presoen eskubideen alde egin gura duten hainbat herritarrek prentsaurre- koa egin zuten.

KULTURA ETA GIZARTE ARLOKO JENDEA

Lagun dezente batu ziren presoen eskubideen alde egiteko. Hainbat alorretan lan egiten duen jendea

aurkitu genuen han. Han izan ziren Edorta Zubizarreta, Mario Padilla, Isabel Guridi eta Andoni Bengoa, esaterako.

Horiez gain, musika taldeeta- ko eta gazte batzarreko hainbat ordezkari izan ziren presoei atxi- kimendua ematen.

HAINBAT MOBILIZAZIO IRAGARRITA

Etixerat elkarteak aditzera eman zuen datozen egunotan hainbat ekintza egingo dituztela herriko presoen alde. Hain zuzen ere, hile- ko azken egubakoitzean, urtarri- laren 30ean, kartelada egingo dute eta presoen argazkiak itsatsiko dituzte udaletxeko horman, 19:30ean.

Urteberriko egunean, 01:00e- tan, berriz, topa egingo dute Mari- xol Iparragirre eta Mikel Illarra- mendiren omenez. Horrez gaine- ra, esan digute Iparragirren eta Illaramendiren gutunak irakur- tzeko asmoa dutela, "ordurako hel- tzen badira".

Eta Etxeratek gonbita egin zuen urtarrilaren 7an Bilbon pre- soen alde egingo den kale agerral- dira ere joateko.



DEIANE ARRIETA

Argazkian, herriko presoen aldeko atxikimendua eman zutenetako batzuk.

LABUR

Almen guneko ikasleak indiarrengandik ikasten ibili dira azken asteotan

Arizmendiko Almen guneko 4. mailako ikasleek indiarren gaine- ko ekintzak egin dituzte. Maia, azteka eta bestelako indiarren gai- neko erakusketa egin dute, eta kultura horien hainbat gauza ika- si dituzte: zer erremintak erabiltzen zituzten, zer produktu ekarri zituzten Europara eta zer dantza egiten zituzten, besteak beste. //I.B.

Txalaparta taberna



Aranburuzabala 25
ESKORIATZA

ENRIKE
MAZMELA
BOLINAGA
HORTZ
KLINIKA



Eduardo Gorosari 3-1. esk.
Tel: 943 71 47 36
Eskoriatza

TOKI
ALAI
TABERNA

Karajiloetan
espezializatua

Tel.: 943 71 47 29
ESKORIATZA

AZKOAGA
ESTANKOA

943 71 48 77
Zure
Zerbitzura

NAIRA
Taberna

Aranburuzabala 16
Eskoriatza. 943 71 46 71